

Cadro I: plans de explotación de algas

Todo o litoral da Comunidade Autónoma galega					
Entidade ⁽¹⁾	Modalidade ⁽²⁾	Zona de traballo	Días máx. extracción	Épocas probables de extracción	Puntos de control
Algamar, S.L.	A pé	Todo o litoral de Galicia.	166	De febreiro a setembro.	-----
Ceamsa	A pé	Todo o litoral de Galicia.	96	De febreiro a outubro.	-----
Conservas e Ahumados LOU, S.L.	A pé	Todo o litoral de Galicia.	40	De maio a agosto.	-----
Conservas Portomuiños	A pé	Todo o litoral de Galicia.	180	De xaneiro a decembro.	-----
Provincia da Coruña					
Entidade ⁽¹⁾	Modalidade ⁽²⁾	Zona de traballo	Días máx. extracción	Épocas probables de extracción	Puntos de control
C.P. A Coruña e Sada (plan conxunto)	MA MSAS	Zona VII.	9	De febreiro a xuño.	Portiño, Suevos, Lorbé, Sada, Ares e porto da Coruña.
C.P. Camariñas	MA MSAS	De punta Chorente a punta Villueira; de punta Villueira a punta Gallada.	8	De febreiro a novembro.	Lonxa de Camariñas.
C.P. Corcubión	A pé	De punta Arnela ata a desembocadura do río Xallas.	40	De marzo a setembro.	Zonas de traballo.
C. P. Espasante	A pé	De illa San Vicente ata a praia de Esteiro.	30	De xuño a agosto.	Portos de Espasante e Ortigueira.
C.P.Muros	A pé	De punta Insua a punta Uhía.	8	De marzo a xuño.	Zona de produción. Peiraos de Muros e Esteiro.
C.P. O Pindo	A pé	Desde a desembocadura do río Xallas ata a desembocadura do río Larada.	30	De xaneiro a abril. De outubro a decembro	Peirao do Pindo, porto de Quilmas, Insuela e Punta Caldebarcos.
C.P.Ribeira	MA MSAS	Laxas, Pías de Castiñeira e Airós e zonas que se determinen na resolución de apertura.	100	De xaneiro a decembro.	Zonas de traballo. Lonxa de Ribeira.
Mardelira, S. Coop.Galega	A pé	Litoral da provincia da Coruña.	20	De abril a xullo.	Lonxa de Lira.
Mergulladores de Longueirón de Fisterra, S. Coop. Galega	MA	De punta Insua a cabo Fisterra.	30	De xaneiro a agosto.	Porto de Fisterra.
Provincia de Pontevedra					
Entidade ⁽¹⁾	Modalidade ⁽²⁾	Zona de traballo	Días máx. extracción	Épocas probables de extracción	Puntos de control
C.P. A Guarda	A pé	De punta Orelludas a punta dos Picos.	32	De xaneiro a decembro.	Lonxa da Guarda, Tío Rincho e río Covo.
C.P. Aldán-Hfo	MA MSAS	De punta Couso a punta Preguntoiro (cara ao interior da ría).	100	De marzo a xullo.	Lonxa de Aldán.
C.P. Portonovo, Raxó, Bueu, Pontevedra, Marín, Lourizán (plan conxunto)	MSAS	Interior das liñas imaxinarias de punta Faxilda a punta Centolo, de punta Galera a punta Couso e de punta Couso a punta Preguntoiro. Cara oeste das illas Ons e Onza.	150	De marzo a setembro.	Lonxas de Bueu, Campelo, Marín e Portonovo.
C.P. Cangas	MSAS	De praia Canabal a punta Couso e illas Cíes.	90	De xaneiro a xullo.	Faro Borneira, Pedra Cantareira, praia de San Martiño e rampla de descarga do porto de Cangas e lonxa de Cangas.

(1)Entidade		(2) Modalidade	
Abreviatura		Abreviatura	
A.M.	Asociación de mariscadoras	MA	Mergullo en apnea
C.P.	Confraría de pescadores	MSAS	Mergullo con subministración de aire desde superficie

INSTITUTO GALEGO DE PROMOCIÓN ECONÓMICA

Resolución do 23 de decembro de 2008 pola que se fai pública a modificación do programa de préstamos para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI).

Mediante Resolución do 12 de decembro de 2007 fíxose público o programa de préstamos para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI) (DOG nº 244, do 19 de decembro de 2007).

Este programa está rexistrando un importante éxito, resultando ser un instrumento de grande importancia para as empresas galegas na actual situación dos mercados financeiros. As solicitudes de financiamento recibidas superaron os 30.000.000 de euros, importe do préstamo global asinado polo Igapeco BEI, atopándose nun avanzado estado a tramitación dun segundo préstamo global co BEI por importe de ata 200.000.000 de euros, que previsiblemente estará dispoñible a principios do próximo ano 2009. Entre tanto, sería posible atender proxectos elixibles con outras dispoñibilidades de Tesouraría, sen prexuízo da súa futura afectación ao vindeiro préstamo global que se poida asinar. Estas circunstancias aconsellan introducir unha serie de modificacións na regulación do programa de presta-

mos que consideren a posibilidade de ampliar a súa dotación económica a medida que se materialicen novas disponibilidades orzamentarias, así como outras cuestións como ampliar os prazos previstos para a presentación de solicitudes e para a formalización das operacións que resulten aprobadas, ou a previsión de adaptar os prazos máximos de reembolso dos préstamos a futuros cambios que, se é o caso, se poidan producir na lexislación vixente.

En consecuencia, o Consello de Dirección do Igape acordou na súa xuntanza do 28 de novembro modificar o programa de préstamos para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI).

Por todo o anterior e en virtude das facultades que teño conferidas,

RESOLVO:

Primeiro.-Publicar as seguintes modificacións do programa de préstamos para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI) (DOG nº 244, do 19 de decembro de 2007):

-Engádesse o seguinte parágrafo na cláusula primeira:

«Amplíase en 200.000.000 de euros a contía da liña indicada no parágrafo anterior, quedando condicionada á concesión de novos préstamos por parte do Igape á existencia de disponibilidades orzamentarias que poderán dotarse con recursos procedentes de novos préstamos globais que se poidan asinar co BEI ou con recursos propios do instituto. As dotacións orzamentarias que se destinen a financiar ampliacións da liña de préstamos serán publicadas no *Diario Oficial de Galicia* unha vez que resulten aprobadas polo órgano correspondente do instituto.

O prazo máximo de formalización dos préstamos que se concedan ao abeiro desta liña será ata o 31 de decembro de 2011».

-Modifícase o parágrafo primeiro da cláusula 2.1, que queda redactado como segue:

«2.1. Prestameiros: os prestameiros serán as empresas promotoras de investimentos elixibles que teñan a consideración de PEME independente, segundo se define nesta epígrafe. Poderán concederse préstamos a Pemes que non cumpran o criterio de independencia segundo se define nesta epígrafe ata un importe máximo conxunto dun terzo da dotación orzamentaria con que estea dotada a liña á data de proposta de concesión da operación de préstamo».

-Modifícase a cláusula 2.2, que queda redactada como segue:

«2.2. Prazo de presentación de solicitudes: o prazo de presentación de solicitudes iniciarase ao día seguinte á publicación deste programa de préstamos

no *Diario Oficial de Galicia* e rematará o 31 de decembro de 2010. No caso de esgotamento de crédito antes da dita data, publicarase no *Diario Oficial de Galicia* a finalización anticipada do prazo».

-Modifícase a cláusula 2.6, que queda redactada do seguinte xeito:

«2.6. Os prazos de amortización e carencia das operacións adaptaranse ás características e necesidades de cada proxecto, dentro dos límites establecidos no artigo 6º do Decreto 133/2002, que regula a concesión de préstamos polo Instituto Galego de Promoción Económica ou nas disposicións que, se é o caso, modifiquen o establecido no devandito artigo».

Segundo.-Esta resolución entrará en vigor ao día seguinte da súa publicación no *Diario Oficial de Galicia*.

Santiago de Compostela, 23 de decembro de 2008.

Álvaro Álvarez-Blázquez Fernández
Director xeral do Instituto Galego de Promoción
Económica

Resolución do 23 de decembro de 2008 pola que se fai pública a ampliación da dotación orzamentaria do programa de préstamos para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI).

O Consello de Dirección do Instituto Galego de Promoción Económica (Igape), na súa xuntanza de 28 de novembro de 2008, acordou por unanimidade dos seus membros asistentes unha serie de modificacións do programa de préstamos do Igape para financiar proxectos de investimento na Comunidade Autónoma de Galicia con fondos do Banco Europeo de Investimentos (BEI) (DOG nº 244, do 19 de decembro de 2007), entre as que se incluía a ampliación en 200 millóns de euros da contía da liña de préstamos prevista no devandito programa, condicionada á existencia de disponibilidades orzamentarias que poderían dotarse con recursos procedentes de novos préstamos globais que se poidan asinar co BEI ou con recursos propios do instituto e que deberán ser publicadas no *Diario Oficial de Galicia*.

Próximo o remate do exercicio 2008, e á vista das disponibilidades orzamentarias derivadas da execución das programacións en curso, foi posible reasignar créditos nos orzamentos vixentes do Instituto por importe de 2 millóns de euros co fin de permitir a concesión de novos préstamos con cargo a este programa polo devandito importe e atender así novas solicitudes das empresas en tanto non se formalicen outras disponibilidades orzamentarias que se atopan en tramitación.